



BOSNIA AND HERZEGOVINA  
Ministry for Human Rights and Refugees

Broj: JN-05-16-4-15-10/20

Datum: 22.06. 2020. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09) i člana 25, člana 32, člana 64. stav 1. tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), a na Preporuku Komisije za nabavke, broj: JN-05-16-4-15-8/20 od 17.06.2020. godine, u postupku nabavke hrane, prehrambenih artikala i sredstava za ličnu higijenu, donosi sljedeću:

**ODLUKU**  
**o izboru najpovoljnijeg ponuđača za nabavku hrane, prehrambenih artikala**  
**i sredstava za ličnu higijenu**

**Član 1.**

Prihvata se Preporuka Komisije za nabavke, broj: JN-05-16-4-15-8/20 od 17.06.2020. godine i Okvirni sporazum za nabavku hrane, prehrambenih artikala i sredstava za ličnu higijenu se dodjeljuje ponuđaču Gold Mignon d.o.o. Sarajevo, ul. Olimpijska bb, 71 000 Sarajevo, ponuda broj: 078-05/20, od 27.05.2020. godine, za ponudenu ukupnu vrijednost sa popustom bez PDV-a od 15.289,20 KM, odnosno 17.888,36 KM sa PDV-om, kao najpovoljnijem ponuđaču.

**Član 2.**

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a), b), c) i d) i članom 47. stav (1) tačke c) Zakona o javnim nabavkama u roku od 5 (pet) dana nakon što bude obaviješten od strane ugovornog organa o rezultatima postupka nabavke. Ukoliko izabarni ponuđač ne dostavi traženu dokumentaciju u određenom roku ili je dostavi na nepropisan i nepotpun način, predmetna javna nabavka će se poništiti.

**Član 3.**

Okvirni sporazum će se zaključiti sa izabranim ponuđačem na period od 1 (jedne) godine.

**Član 4.**

Ova odluka objavit će se na web stranici Ministarstva ([www.mhrr.gov.ba](http://www.mhrr.gov.ba)), istovremeno sa upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama.

**Član 5.**

Za izvršenje ove odluke se ovlašćuje i zadužuje Sektor za opće, pravne poslove i finansijsko-materijalne poslove Ministarstva za ljudska prava i izbjeglice BiH.

**Član 6.**

Ova Odluka stupa na snagu danom donošenja.

**O b r a z l o ž e n j e**

Postupak javne nabavke pokrenut je Odlukom o pokretanju postupka nabavke hrane, prehrambenih artikala i sredstava za ličnu higijenu, broj: JN-05-16-4-15-1/20 od 10.04.2020. godine. Javna nabavka je provedena putem otvorenog postupka za nabavke hrane, prehrambenih artikala i sredstava za ličnu higijenu. Procijenjena vrijednost javne nabavke je 15.384,61 KM bez PDV-a, odnosno 18.000,00 KM sa PDV-om. Obavještenje o nabavci, broj: 679-1-1-14-3-13 od 05.05.2020. godine je objavljeno na Portalu javnih nabavki i u Službenom glasniku BiH, 26/20

od 08.05.2020. godine. Tenderska dokumentacija, broj: JN-05-16-4-15-2/20 od 05.05.2020. godine. Komisija za nabavke imenovana je Odlukom broj: broj: 02-16-4-344-1/20 od 07.02.2020. godine.

Komisija za nabavke dostavila je ugovornom organu, ministru za ljudska prava i izbjeglice BiH Zapisnik o pregledu i ocjeni ponuda, broj: JN-05-16-4-15-7/20 od 17.06.2020. godine, Preporuku o izboru najpovoljnijeg ponuđača, broj: JN-05-16-4-15-8/20 od 17.06.2020. godine i Izvještaj o radu, broj: JN-05-16-4-15-9/20 od 17.06.2020. godine, u postupku nabavke hrane, prehrambenih artikala i sredstava za ličnu higijenu.

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena jedna (1) ponuda;
- da je blagovremeno zaprimljena jedna (1) ponuda;
- da je ponuda ponuđača Gold Mignon d.o.o. Sarajevo kvalifikovana i prihvatljiva i da su dostavljeni svi traženi dokazi propisani Tenderskom dokumentacijom na propisan način.

U skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), u slučaju samo jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

|    | Naziv i sjedište ponuđača   | Ukupna vrijednost sa popustom bez PDV-a | Ukupna vrijednost sa popustom sa PDV-om |
|----|-----------------------------|---|---|
| 1. | Gold Mignon d.o.o. Sarajevo | 15.289,20 KM                            | 17.888,36 KM                            |

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

Dostaviti:

- Ponuđaču,
- Sektoru za opće, pravne i finansijsko-materijalne poslove,
- a/a.

**MINISTAR**  
**Miloš Lučić**

